

## **Pola Pilimonmo tiratna timbiŋ rapar Outna kam**

Pilimon ma ramoot paŋan ian. Na ma Kolosi auŋ aniacna Iesusa ripacrena laiplacarta ian. Na mana tuomna aiŋ kamainda morena ramoot ianna, mana ia Onesimus, ma ndona an ramoot paŋanmo tikcarica, kipcarica kabena auŋa taŋrina. Na an auŋa tikca Onesimusa Polmo, watca ma Iesusa ripacrena laiplacarta ian ndarurina.

Na an minna Pola ma kac ŋgoreaca eacrenan, na ma Pilimonmo taŋga watna minna wanaiŋ. Aintik ma gan timbiŋ rapara tirra Onesimusa neaŋrina, na ma manmo mandaca ma ndona ramoot paŋan ndambuŋa mac nda taŋrina. Na gan timbiŋ raparna inikna kamma ma Pilimonmo aindoprina, ma ndona an tuomna aiŋ kamainda morena ramootmo, kaega kai mo teac. Na an tuomna aiŋ kamainda morena ramootta, ma Iesusa ripacrena laiplacarta ian ndarurina, aintik Pilimonna manmo ndona kakana kirar toc naaŋgi.

## **Pola Pilimonna tuomna aiŋ kamainda ramootna kam ndoprina**

<sup>1</sup> Aku Pol, Karais Iesusna aiŋa morena ramoot, na anna moca aku kac ŋgoreac, ndeacrena

ramoot. Na gan timbiņ rapara tiratna kamma, aukapa, aina lapmbitac Timoti, aņga un Pilimonmo tirca neaņga kipekna timbiņ rapar. Na u aina aikndamoot laņ, na aina aiņ kabena ramoot laņ. <sup>2</sup> Na aņga, aņna mbi Apiamo, an timbiņ rapar kabe toca neaņga taņrina, na Aki-pus motocmo an timbiņ rapar kabea neaņga ma watatna. Na an Raraņ Aetaniacna runduņa aia eacrenanna, ma toco aiap ruņrena ramoot ian. Na una kacna Iesusna ritipaikta meikramtairta tumbun motomo, aņga an timbiņ rapar kabemo neaņga taņgatna.

<sup>3</sup> Ainda moca aina Aet Raraņ Aetaniacapa Kacoot Karais Iesusa, nenmo kadmaica nena iroar inkarmo moi wewettaca laiņ teacnandet.

*Pilimonna tipemb kirarir laiņta moca Polmo moca ma toņtoņ ņgoin*

<sup>4-5</sup> Ainda moca memetmbaca mina aukmo aindoprena, u Kacoot Iesusmo matau ripacrena, na u Raraņ Aetaniacna meikramtairmo matņirenan ņgoin. Aintik aku memetmbaca ndona Raraņ Aetaniacmo mbendeirena, na memetmbaca una moca aku lamņirena, na Raraņ Aetaniacmo kam laņa neaņrena. <sup>6</sup> Na u Karaisa ripacrenan tik, u aiap mikrina. Na aku Raraņ Aetaniacmo mbendeica, ma una ritipacmo moa laņ ndaruca, u iroar laiņga aņģinandet. Te, reik laiņga Karaisa umo neaņrenanmo, u matau lamņinandet. <sup>7</sup> Aintik kaka, u Raraņ Aetaniacna meikramtairmo matņirenan, na an tip kirar

---

**1:2** Kol 4.17, na 2 Ti 2.3    **1:3** Gal 1.3    **1:4-5** Ro 1.8-9    **1:6**  
 Pil 1.9, na Kol 1.9    **1:7** 2 Ko 7.4, na 7.13

mbuŋa u mina nikinik iroara moa gagraca mina laŋan wetwet ndeacrena. Na anna ndo aukmo moca aku toŋtoŋ bagaraniacap, na aukna nikinik iroa moca gagrarena.

*Pola toŋgorenanna Pilimonna Onesimusmo ndona lapmbitac toc mac aŋgina*

8-9 Aında moca aku gaind ndamŋirena, aku umo an tip kirar laŋa mona kam gargara mba neaŋitndai. Na kabena meikramtairmo matŋirena tip kirara, ma aŋmo aŋgi mikrenan, na aku unmo kam wetwet mbuŋa mambopek. Na aku Pol, aku ramoot bagar, na Karais Iesusna aiŋna moca auk toco kac ŋgoreaca eacrena. Na reac ianna aku toŋgorenanna, u auknanmo mo, na Karaisna i mbuŋa aku umo mbopca, u an reacmo mo. Na una tipemb kirarir laiŋga aku matau lamŋirena. <sup>10</sup> Aında moca aku umo madigiek, u aukna nuoc Onesimusmo tip kirar laŋa mo. Na an kidrik mbuŋa aku kac ŋgoreac ndeacri, ma kipca aukmo anna tikca watatna, ri, aku manmo Karaisa ripacna toŋgoca mammo otacatna. Aında moca aku aindopatna, ma aukna nuoc ŋgoin toc malaruat.\* <sup>11</sup> Na ŋgaua ma un ŋgotacna aiŋ laŋa mba morina,

---

**1:8-9** Pm 1.1      **1:10** 1 Ko 4.15, na Kol 4.9      \* **1:10** Na Onesimus tikca ma ŋgaua ma Pilimonna tuomna aiŋ kamainda morena ramootta eacrina. Na ma manmo tikcarica, kipcariatna. Na iŋmbaia ma Pol ndambuŋ matangat. Ri, an minna ma Polap eacri, ma Iesusna ripacrena laiplacarta ian malaruat. Na mina tip wandikca gaindoprina, tuomna aiŋ kamainda morena ramootta kipcari te, mana kacootta lapoca ruŋrena ramtairmo mbopca, mina an ramootmo aŋgica ik nakeraca ma menacnandet.

na mandeac ma aŋmo opotacna aiŋ laŋa mona min.

<sup>12</sup> Na mandeaca aku manmo un ndambuŋa mandaca makipek, na ma aukna rugut ŋgoin.

<sup>13</sup> Na aku manmo kiraca ma aukap eac, co, aku toŋtoŋ ŋgoinna mo mbe, te, ma una aiŋa moca aukmo otacna. Na anna gaind, aku kam wembaŋ laŋna aiŋa moca wiwiti mboprenan tik, aku kac ŋgoreaca eacrena. <sup>14</sup> Na aku toŋgorenanna, u anmo kam laŋ ndop, ainda moca aku manmo mba kiracri. Na kaina reacu u monanna, aku umo mba mbopitndai. Aintik aku gaind ndamŋirena, u tip kirar laŋa moca aukmo otac ndop te, u ndona toŋtoŋ mbuŋa mo.

<sup>15</sup> Na anna gidik, Onesimus, ma unmo kidrik teker motemma tikcaririna. Na an reacu aind ndaruatke, u manmo mac nda aŋgica ma unapmo iarwara eacraŋnandet. <sup>16</sup> Ainda moca u manmo tuomna aiŋ kamainda mona ramootta kai lamŋi teac, na anna gidik, ŋgaua ma una tuomna aiŋ kamainda morena ramoot, na mandeaca ma una Iesusa ripacrena laiplacarta ian, na u manmo matŋinandet. Na aku manmo Iesusa ripacrena lapmbitac ian toca watrenan, aintik aku ndona nikinik iroara, mamu neaŋrena. Na aku lamŋirena u manmo matŋinandet. Na an tip kirara, u kabena meikramtairmo matŋirenanna, u mamu ainda matŋi. Na Kacootna mo te, u mamu ndona Iesusa ripacrena laiplacarta ian toca matŋi.

<sup>17</sup> Ainda moca u aukmo wat, aku unap aŋga

Karaisna aij kabea morena ramootniņ ecte, u Onesimusmo an tipna kirarmo u aukmo aņģirenanna, u man motoco aind naaņģi. <sup>18</sup> Na ma una reik ndeida wanaiņ naaņģirinan te, co, ma unmo makukar neaņrinan te, u an reikmo aukna ina kaņģaukca tikca aku ndo wandoņainandet. <sup>19</sup> Na gan kam tip, “Aku ndo an reik rutina opotaca monandet.” An kamma aku Pola, aku ndo ņgoinna aku ndona par mbuņa tirca umo neaņga kipekna kam. Na aku unmo gaindopna min ņgoin, u ndo ņgoinna aukmo rurutiap, na an rurutia anna una eteacna wat. Ainda moca aku an kamma mbombopa aku karirina. <sup>20</sup> Na aukna kaka u warac, Kacootna i mbuņa aku toņgorenanna, u aukmo an tip kirar laņa mo. Na aņga Karaisna ramootniņ, aintik an tip kirar laņa moca, u aukna nikinik iromo laņa mo.

<sup>21</sup> Ainda moca aku matau lamņirena, u aukna an kammo raņģainandet. Aintik aku umo gan timbiņ rapara tirca neaņga makipek. Na aku lamņirena, an tipna kirara u Onesimusmo monanna, an tip kirara aku umo mandeaca digirenanmo, u kunda tamuņmbaica monandet. <sup>22</sup> Na aku umo kabena kamma. Aku ginda ripacrina, Raraņ Aetaniaca ma nena mbembendeia waracnandet. Te, ma aukmo watcarica aku nen ndambuņ nakipnandet. Aintik u ndona kacna ņgogona taup emtemmo, auknanmo kocroca eacraņ, na aku kip te, aku anna ņgonande.

*Polna aij kabena ramtaira Pilimonmo ra laņ*

*neanġatna*

<sup>23</sup> Na Epparasa umo ra laj neanġrina. Na ma toco kac ngoreaca eacrena, na anġa muruġniġa Karais Iesusna moċa kac ngoreaca eacrena ramootniġ. <sup>24</sup> Na aukna aiġ kabea morena ramtaira mina umo toco, ra laj neanġrina. Na mina irembca Makapa, Aristakasapa, Demasapa, Lukap.

<sup>25</sup> Aında moċa Kacoot Iesus Karaisna kakadmaica nena kabe, kabena nġernġaurap eacnandet.

---

**1:23** Kol 1.7, na 4.12    **1:24** Up 12.12, na 12.25, na 13.13, na 15.37-39, na 19.29, na 27.2, na Kol 4.10, na 4.14, na 2 Ti 4.10-11

**Raraŋ Aetaniacna Kam Wemban Lan  
New Testament in Mborena Kam language  
Nupela Testamen long tokples Mborena Kam long  
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; ©  
Pioneer Bible Translators of Dallas, Texas, USA

This translation is made available to you under the terms of the Creative  
Commons Attribution-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not make any derivative works that change any of the actual  
words or punctuation of the Scriptures.

Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source  
files dated 29 Jan 2022

8e1073ed-d2dc-5f3a-bb48-5406185123a7